



# ЖОЛТВОСЛОВ

с молитвами  
об усопших

# МОЛИТВОСЛОВ

с молитвами  
об усопших



Сибирская Благовонница  
Москва  
2010



**По благословению  
митрополита  
Ташкентского и Среднеазиатского  
Владимира**


**М73** Молитвослов с молитвами об усопших. — М.:  
Сибирская Благовонница, 2010. — 158, [2]с.

**ISBN 978-5-91362-227-3**

Особенность этого молитвослова в том, что он, помимо обычных правил: утреннего, вечернего, ко Святому Причащению и молитв на всякую потребу, содержит молитвы об усопших и чин литии, совершаемый мирянином дома и на кладбище.

**УДК 243  
ББК 86.372-5**

**ISBN 978-5-91362-227-3** © Издательство Сибирская  
Благовонница, оформление. 2010



## МОЛИТВЫ УТРЕННИЕ

*Восстав от сна, прежде всякого другого дела, стань благоговейно, представляя себя пред Всевидящим Богом, и, совершая крестное знамение, произнеси <sup>\*</sup> :*

Во имя Отца, и Сына, и Святаго Духа.  
Аминь.

*Затем немного подожди, пока все чувства твои не придут в тишину и мысли твои не оставят все земное, и тогда произноси следующие молитвы, без поспешности и со вниманием сердечным:*

### Молитва мытаря

*(Евангелие от Луки, глава 18, стих 13)*

Бóже, мѣлостив бѹди мне грѣшному.  
(Поклон)

---

<sup>\*</sup> Напечатанное курсивом (названия молитв и пояснения) не читается во время молитвы.

**Молитва  
предначинательная**

Господи Иису́се Христе́, Сы́не Бо́жий, моли́тв ра́ди Пречи́стыя Твоея́ Ма́тере и всех святы́х, помíлуй нас. Ами́нь.

Сла́ва Тебе́, Бо́же наш, сла́ва Тебе́.

**Молитва  
Святому Духу**

Царю́ Небе́сный, Уте́шителю, Ду́ше и́стины, И́же вездé сый и вся исполня́яй, Сокро́вище благи́х и жи́зни Пода́телю, прииди́ и всели́ся в ны, и очи́сти ны от всякия скве́рны, и спаси́, Бла́же, ду́ши на́ша.\*

---

\* От Пасхи до Вознесения вместо этой молитвы читается тропарь: «Христос воскресе из мертвых, смертию смерть поправ, и сущим во гробех живот даровав». (Трижды)

От Вознесения до Троицы начинаем молитвы со «Святы́й Бо́же...», опуская все предшествующие.

Это замечание относится и к молитвам на сон грядущим.

## Трисвятое

Святы́й Бо́же, Святы́й Кре́пкий,  
Святы́й Безсме́ртный, поми́луй нас.

*(Читается трижды, с крестным зна́-  
мением и поясным поклоном.)*

Сла́ва Отцу́ и Сы́ну и Свято́му Ду́ху, и  
ны́не и прісно и во ве́ки веко́в. Ами́нь.

## Молитва ко Пресвятой Троице

Пресвята́я Тро́ице, поми́луй нас; Го́спо-  
ди, очисти грехи́ на́ша; Влады́ко, прости́  
беззако́ния на́ша; Святы́й, посети́ и исце-  
ли́ немо́щи на́ша, и́мене Твоего́ ра́ди.

Го́споди, поми́луй. *(Трижды)* Сла́ва,  
и ны́не\*.

## Молитва Господня

О́тче наш, Иису́се еси́ на небесе́х! Да  
святится́ и́мя Твое́, да приидет Ца́рст-  
вие Твое́, да бу́дет во́ля Твоя́, я́ко на

---

\* Когда написано «Сла́ва», «И ны́не», надо  
читать полностью: «Сла́ва Отцу́ и Сы́ну и  
Свято́му Ду́ху», «И ны́не и прісно и во ве́ки  
веко́в. Ами́нь».

небесѣи и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

### Тропари Троичные

Воста́вше от сна, припада́ем Ти, Бла́же, и а́нгельскую песнь вопи́ем Ти, Си́льне: Свят, Свят, Свят еси́, Бо́же, Богоро́дицею поми́луй нас.

*Сла́ва:* От одра́ и сна воздви́гл мя еси́, Го́споди, ум мой просвети́ и се́рдце, и устне́ мои́ отве́рзи, во е́же пе́ти Тя, Свята́я Тро́ице: Свят, Свят, Свят еси́, Бо́же, Богоро́дицею поми́луй нас.

*И ны́не:* Внеза́пно Судия́ прии́дет, и коего́ждо дея́ния обнажа́тся, но стра́хом зове́м\* в полу́нощи: Свят, Свят, Свят еси́, Бо́же, Богоро́дицею поми́луй нас.

Го́споди, поми́луй. (12 раз)

---

\* В церковнославянском языке нет звука ё, поэтому надо читать «зовем», а не «зовём», «твое», а не «твоеё», «мое», а не «моё», и так далее.

## Молитва ко Пресвятой Троице

От сна воста́в, благодарю́ Тя, Свята́я Трои́це, я́ко мно́гия ра́ди Твоея́ бла́гости и долготерпе́ния не прогна́вался еси́ на мя, лени́ваго и грѣшнаго, ниже́ погуби́л мя еси́ со беззако́нными мои́ми; но человеколю́бствовал еси́ обы́чно и в неча́нии лежа́щаго воздвигл мя еси́, во е́же у́треневати и славосло́вити держа́ву Твою́. И ны́не просвети́ мои́ о́чи мы́сленныя, отве́рзи моя́ уста́ поуча́тися словесе́м Твои́м, и разумѣти за́поведи Твоя́, и творѣти во́лю Твою́, и пѣти Тя во испове́дании сердѣ́чном, и воспева́ти всесвято́е и́мя Твое́, Отца́ и Сы́на и Свята́го Ду́ха, ны́не и прѣ́сно и во ве́ки веко́в. Ами́нь.

Прииді́те, поклоні́мся Царе́ви на́шему Бо́гу. *(Поклон)*

Прииді́те, поклоні́мся и припаде́м Христу́, Царе́ви на́шему Бо́гу. *(Поклон)*

Прииді́те, поклоні́мся и припаде́м Само́му Христу́, Царе́ви и Бо́гу на́шему. *(Поклон)*



## Псалом 50

Помѣлуй мя, Бѣже, по велицей  
мѣлости Твоей, и по множеству щедрѣт  
Твоих очисти беззакѣние мое. Наипаче  
омѣй мя от беззакѣнія моего, и от грѣха  
моего очисти мя; ꙗко беззакѣние мое аз  
знаю, и грѣх мой предо мною есть вѣну.  
Тебѣ единому согрѣших и лукавое пред  
Тобою сотворих; ꙗко да оправдишися  
во словесех Твоих, и победиши внегда  
судити Ти. Се бо, в беззакѣніих зачат  
есмь, и во грѣсех роди мя мати моя. Се  
бо, истину возлюбил еси; безвѣстная  
и тайная премудрости Твоея явил ми  
еси. Окропиши мя иссопом, и очищуся;  
омыеши мя, и паче снѣга убелюся.  
Слуху моему даши радость и весѣлие;  
возрадуются кости смиренныя. Отврати  
лицѣ Твое от грѣх моих и вся беззакѣ-  
нія моя очисти. Сѣрдце чисто созижди  
во мне, Бѣже, и дух прав обнови во  
утробѣ моей. Не отвержи мене от лица  
Твоего и Духа Твоего Святаго не отыми  
от мене. Воздаждь ми радость спасѣния  
Твоего и Духом Владычним утверди

мя. Научу́ беззаконныя путём Тво́им, и нечестивии к Тебѣ обратятся. Избави мя от кровей, Бóже, Бóже спасенія моего; возра́дуется язык мой правде Твое́й. Гóсподи, устне́ мои отвѣрзеши, и уста́ моя возвестят хвалу́ Твою́. Яко́ аще бы восхотѣл еси́ жѣртвы, дал бых́ убо: всесожжѣнія не благоволи́ши. Жѣртва Бóгу дух сокрушѣн; сѣрдце сокрушѣнно и смирен́но Бог не уничижит. Ублажи́, Гóсподи, благоволеніем Тво́им Сио́на, и да сози́ждутся стѣны Иерусали́мския. Тогда́ благоволи́ши жѣртву правды, возношѣние и всесожега́емая; тогда возложат на олта́рь Твой тельцы́.

### Символ веры

<sup>1</sup>Вѣрую во еди́наго Бóга Отца́ Вседержителя, Творца́ небу́ и земли́, ви́димым же всем и неви́димым. <sup>2</sup>И во еди́наго Гóспода Иису́са Христа́, Сы́на Бóжия, Единоро́днаго, И́же от Отца́ рожде́ннаго прѣжде всехъ вѣкъ; Свѣта от Свѣта, Бóга и́стинна от Бóга и́стинна, рожде́нна, несотворѣнна, едино-

сущна Отцѹ, Ёмже вся бѣша. <sup>3</sup>Нас  
ради человек и нашего ради спасения  
спшедшаго с небес и воплотившагося  
от Духа Свята и Маріи Девы, и воче-  
ловечшася. <sup>4</sup>Распятаго же за ны при  
Понтийстем Пилате, и страдавша, и  
погребенна. <sup>5</sup>И воскресшаго в третій  
день по Писанием. <sup>6</sup>И возшедшаго  
на небеса, и сядуща одесную Отца.  
<sup>7</sup>И паки грядущаго со славою судити  
живым и мертвым, Егже Царствию  
не будет конца. <sup>8</sup>И в Духа Святаго,  
Господа, Животворящаго, Ёже от Отца  
исходящаго, Ёже со Отцем и Сыном  
спокланяема и сславима, глаголавшаго  
пророки. <sup>9</sup>Во едину Святую, Соборную  
и Апостольскую Церковь. <sup>10</sup>Исповедую  
едино крещение во оставление грехов.  
<sup>11</sup>Чаю воскресения мертвых, <sup>12</sup>и жизни  
будущаго века. Аминь.

**Молитва 1-я,  
святого Макария Великого**

Боже, очисти мя грешнаго, яко  
николиже сотворих благое пред Тобою;

но избáви мя от лукаваго, и да б́удет во мне во́ля Твоя́, да неосуждённо отвѣрзу уста́ моя́ недостóйная и восхвалю́ имя Твоѣ́ свято́е, Отца́ и Сы́на и Свята́го Дúха, ны́не и прѣ́сно и во вѣ́ки веко́в. Ами́нь.

### **Молитва 2-я, того же святого**

От сна воста́в, полу́нощную песнь приношу́ Ти, Спа́се, и припада́я вопию́ Ти: не даждь ми усну́ти во грехóвней смѣрти, но ущѣ́дри мя, распный́ся во́лею, и лежа́щаго мя в лёности уско́рив возста́ви, и спаси́ мя в предстоя́нии и моли́тве, и по сие́ но́щнемъ возсия́й ми день безгрѣшен, Христѣ́ Бо́же, и спаси́ мя.

### **Молитва 3-я, того же святого**

К Тебе́, Влады́ко Человеколю́бче, от сна воста́в прибегаю́, и на дела́ Твоя́ подви́заюся милосѣ́рдиемъ Твои́м, и молю́ся Тебе́: помози́ ми на вся́кое вре́мя, во вся́кой вещи, и избáви мя от вся́кия мирскы́я злы́я вѣ́щи и диáвольскаго

поспешѣнія, и спаси́ мя, и введи́ в Ца́рство Твое́ вѣчное. Ты бо еси́ мой Сотвори́тель и вся́кому бла́гу Промы́сленник и Подáтель, о Тебѣ же все упováние моѐ, и Тебѣ сла́ву возсыла́ю, ны́не и прѣсно и во вѣки веко́в. Ами́нь.

#### **Молитва 4-я, того же святого**

Го́споди, И́же мно́гою Твое́ю бла́гостию и вели́кими щедро́тами Твои́ми дал еси́ мне, рабу́ Твоему́, мимоше́дшее вре́мя но́щи сея́ без напа́сти преи́ти от вся́каго зла протѣвна; Ты Сам, Влады́ко, вся́ческих Тво́рче, сподо́би мя и́стинным Твои́м свѣтом и просвещ́енным се́рдцем твори́ти во́лю Твою́, ны́не и прѣсно и во вѣки веко́в. Ами́нь.

#### **Молитва 5-я, святителя Василия Великого**

Го́споди Вседержи́телю, Бо́же сил и вся́кия плóти, в вѣ́шних живы́й и на смире́нныя призира́й, сердца́ же и утробы́ испытуй́ай и сокрове́нная че-

ловѣков ѡбѣдѣ, Предвѣдый, Безначальный и Присносущный Свѣте, у Негоже несть пременение, или предложѣния осенѣние; Сам, Безсмертный Царю, приими моленія наша, ѡбѣ в настоящее время, на множество Твоихъ щедротъ дерзаяще, отъ скверныхъ къ Тебѣ устенъ творимъ, и остави намъ прегрѣшенія наша, ѡбѣ деломъ, и словомъ, и мыслию, веденіемъ или неведеніемъ согрѣшенная нами; и очисти ны отъ всякаго скверны плоти и духа и даруй намъ бодрымъ сердцемъ и трезвенною мыслію всю настоящаго житія нощь преити, ожидающимъ пришествія свѣтлаго и явленнаго дне Единороднаго Твоего Сына, Господа и Бога и Спаса нашего Иисуса Христа, вонъже со славою Судія всехъ придетъ, комуждо отдати по деломъ его; да не падше и обленившеся, но бодрствуяще и воздвигени въ дѣланіе обрящемся готови, въ радость и Божественный чертогъ славы Его совнідемъ, идеже празднующихъ гласъ непрестанный, и неизреченная сладость зрящихъ Твоего лица доброту

неизречѣнную. Ты бо еси истинный Свет, просвещаяй и освещаяй всѣческая, и Тя поёт вся тварь во вѣки веков. Аминь.

### **Молитва 6-я, того же святого**

Тя благословим, вышний Боже и Господи милости, творящаго присно с нами великая же и неизследованная, славная же и ужасная, ихже несть числа, подавшаго нам сон во упокоение немощи наша, и ослабление трудов многотрудных плоти. Благодарим Тя, яко не погубил еси нас со беззаконными нашими, но человеколюбствовал еси обычно, и в нечаянии лежащая ны воздвигл еси, во еже славословити державу Твою. Темже молим безмерную Твою благодать: просвети наша мысли, очеса, и ум наш от тяжкаго сна лениности возстави; отверзи наша уста, и исполни я Твоего хваления, яко да возможем непоколеблемо пети же и исповедатися Тебе, во всех и от всех славному Богу, Безначальному Отцу, со Единородным Твоим Сыном, и Всесвятым и Благим и

Животворящим Твоим Духом, ныне и  
присно и во веки веков. Аминь.

**Молитва 7-я,  
ко Пресвятой Богородице**

Воспеваю благодать Твою, Владычице, молю Тя, ум мой облагодатить. Ступати право мя настави, путем Христовых заповедей. Бдети к песни укрепить, уныния сон отгоняющи. Связана пленницами грехопадений, мольбами Твоими разреши, Богоневесто. В ночи мя и во дни сохраняй, борющихся враг избавляющи мя. Жизнодателя Бога рождающая, умерщвлена мя страстьми оживи. Яже Свет невечерний рождающая, душу мою ослепшую просвети. О, дивная Владычня палато, дом Духа Божественна мене сотвори. Врача рождающая, уврачуи души моея многолетьныя страсти. Волнующаяся житейскою бурей, ко стези мя покаяния направи. Избави мя огня вечнующаго, и червия же злаго, и тартара. Да мя не явиши бесом радование, иже многим



## Молитвы утренние

---

грехом повѣнника. Но́ва сотвори́ мя, обетшавшаго нечу́вственными, Пренепоро́чная, согрешѣнии. Стра́нна му́ки всякія покажи́ мя, и всех Влады́ку умоли́. Небѣсная ми улучи́ти весѣлія, со всѣми святы́ми, сподоби́. Пресвята́я Дѣво, услы́ши глас непотрѣбнаго раба́ Твоего́. Струю́ давай́ мне слеза́м, Пречы́стая, душі́ моея́ сквѣрну очища́ющи. Стенáния от сѣрдца приношу́ Ти непрестáнно, усѣрдствуй, Влады́чице. Молѣбную службу́ мою приими́, и Бо́гу благоутрѣбному принеси́. Превы́шшая А́нгел, мирска́го мя превы́шша слітія сотвори́. Светонóсная Сѣне небѣсная, духо́вную благодáть во мне напра́ви. Ру́це воздею́ и устне́ к похвалѣ́нию, оскверне́ны сквѣрною, Всенепоро́чная. Душетлѣ́нных мя па́костей изба́ви, Христа́ приле́жно умоля́ющи; Ему́же честь и поклонѣ́ние подобáет, ны́не и прі́сно, и во вѣки веко́в. Ами́нь.

## Содержание

|                                                                          |     |
|--------------------------------------------------------------------------|-----|
| Молитвы утренние . . . . .                                               | 3   |
| Молитвы на сон грядущим . . . . .                                        | 23  |
| Часы Святой Пасхи . . . . .                                              | 46  |
| Каноны совмещенные . . . . .                                             | 50  |
| Последование<br>ко Святому Причащению . . . . .                          | 89  |
| Благодарственные молитвы<br>по Святом Причащении . . . . .               | 126 |
| Молитвы разные . . . . .                                                 | 135 |
| Перед вкушением пищи . . . . .                                           | 135 |
| После вкушения пищи . . . . .                                            | 136 |
| Молитва идущего в церковь . . . . .                                      | 136 |
| Призывание Духа Святого<br>на всякое доброе дело . . . . .               | 137 |
| По окончании дела . . . . .                                              | 137 |
| О умножении любви<br>и искоренении ненависти<br>и всякой злобы . . . . . | 137 |
| О ненавидящих и обидящих нас . . . . .                                   | 138 |
| Во время бедствия<br>и при нападении врагов . . . . .                    | 139 |

|                                                                          |     |
|--------------------------------------------------------------------------|-----|
| <b>Молитва Кресту.</b> . . . . .                                         | 140 |
| <b>От осквернения, молитва святителя<br/>Василия Великого</b> . . . . .  | 140 |
| <b>Псалом 90.</b> . . . . .                                              | 141 |
| <b>Молитва перед выходом из дома</b> . .                                 | 142 |
| <b>О путешествующих.</b> . . . . .                                       | 142 |
| <b>Молитва.</b> . . . . .                                                | 143 |
| <b>Святителю Николаю.</b> . . . . .                                      | 144 |
| <b>О поминовении усопших</b> . . . . .                                   | 146 |
| <b>Молитва о усопших</b> . . . . .                                       | 146 |
| <b>Молитва об усопшем христианине</b> .                                  | 146 |
| <b>Чин литии, совершаемой мирянином<br/>дома и на кладбище</b> . . . . . | 148 |
| <b>Как вести себя на кладбище</b> . . . . .                              | 151 |
| <b>Как правильно поминать усопших</b> .                                  | 152 |
| <b>Как относиться к могиле<br/>православного христианина</b> . . . . .   | 156 |